

四庫全書

集部

欽定四庫全書

集部

御製詩初集卷一  
四

臣永瑤恭校

侍讀臣孫球覆勘

總校官原任中允臣王燕緒

校對官學正<sub>臣</sub>李巖

謄錄監生<sub>臣</sub>于希賢

欽定四庫全書

御製詩初集卷一

古今體六十一首

丙辰丁巳戊午

讀貞親政要

懿德嘉言在簡編  
憂勤想見廿三年  
燭情已自同懸鏡  
從諫端知勝轉圜  
房杜有容能讓直  
魏王無事不緦愆  
高山景仰心何限  
字字香生翰墨筵

題王諤豐年農慶圖

金颼蕭蕭楓葉落  
高空爽氣橫寥廓  
如雲多稼漸登場  
歡騰西墅連東郭  
白鷺下水鳥捷閒  
池田波靜流潺湲  
秋原稌穗雜黃紫  
乍似春迴萬井間  
剝豚烹魚為翁壽  
新梁炊飯香噴口  
三時拮据豈徒勞  
共喜西成獲大有  
弱婦房中自理機  
砧蛩唧唧催寒閨  
可知衣食民生切  
辛苦終年無已時

獨居

靜几明窓遠絕塵  
花香鳥語總天真  
每殷已溺已飢念

難作無為無事人

昔予讀書之暇間亦旁涉繪事嘗恭製數圖進

聖母用供清玩茲蒙

聖母宣付裝潢仍

命各題以句敢辭不文聊以效九如之頌云爾

埭畔凌冬傲雪株  
濡毫渲染發清娛  
松枝翠拂蒼鸞尾  
竹實紅垂火齊珠  
香散檀心欺蠟淡  
花懸磬口帶寒敷  
作朋三壽徵忱切  
生意長含看此圖

右題松竹梅畫幅

溥溥珠露未凝霜丹桂黃花應節芳細蕊密攢金粟碎  
踈英低蔭玉墀香喜從月殿分根遠愛飲秋泉益冀長  
同是神仙稱上藥駐年無羨九霞觴

右題桂菊畫幅

一枝穠麗占東風生態易陀落畫中澹暈華脂饒的皪  
細鏤紅玉著玲瓏蕊酣宿露凌晨沃香散春晴傷午融  
見說西池培植厚人間富貴詎能同

右題牡丹畫頁

梨花開足晚香含  
白燕飛來春正酣  
棲倚銀雲人不見  
祇聞好語報呢喃

香雪霏霏入眼新  
一雙玉剪舞暄辰  
上林景物非人世  
花鳥春來搃絕塵

右題梨花白燕畫頁

梅雨初收候林蘭  
每放花素苞欺雪  
艷粉蕊淨鈿華映  
月姿逾澹臨風香  
更賒多情憐野雀  
棲托一枝斜

右題梳子花畫頁

冷露暗滋秋草著花紅紫成堆小鳳貪餐竹實合教一處同開

絡緯送聲秋至蜻蜒弄影風涼幽卉一叢舒艷都來石畔尋香

右題鳳仙石竹畫頁

天際雲呈白玉盤花光如雪望漫漫冷香離合因風悟  
楞嚴經云香以合中知離則原無有清影橫斜界地寒開處已知春漸逗



折來常記臘初殘月明林下青邱句彷彿今從畫裏看

右題月下梅花畫頁

覽舊作誌懷

芸帷書史昔流連今日拈毫屬偶然  
賸有憂懷批奏牘那餘逸興賦詩篇  
漏聲滴盡銀壺箭香縷飄殘寶篆烟  
輸與昨年瀟灑甚綠窓愛月正遲眠

八月二十三日恭遇

皇考忌辰感成六韻

憶昔承歡際晨昏不暫離誰知風木恨暗覺歲華移  
顧復懷終古睽違忽已晷

聖容常在望色養永無期涼露如添淚寒雲祇益悲西  
園迴首處痛劇去年時

詠禁中紅葉賦得霜葉紅於二月花

寥天爽氣到楓宸恰有霜枝點綴新色借花欄紅乍染  
影依玉砌冷初勻鬱森未許遊蜂集絢爛還教宿鳥馴  
更喜西成逢稔歲萬家雨露沐陽春

丙辰十月十六日恭送

皇考梓宮至

泰陵奉安

隆恩殿告祭還京悲慕如疑呼搶欲絕途次敬成長律

以誌深痛

過隙光陰歲已週

龍輿朝駕痛難留續承任重何由報

顧復恩深未少酬

雍邱迴看宮闕寂

橋山空對几筵愁

尊親寰宇傾心久  
夾道蒸黎掩淚流

兩行衰柳暮寒烟  
一路悲風拂綵旃  
易水如添愁脉脉  
燕山不斷恨綿綿  
未過虞帝巡方載  
猶少成王享國年  
夢裏瞻依仍似昨  
問

安常在

寢門邊

楓葉初丹樹葉黃當前觸目助悲傷

鼎湖冉冉寒空靜

蘆殿淒淒夜月涼憶斷白雲還杳渺望窮碧落轉蒼茫  
悲懷長此增沉痛忍別

山陵路阻長

雖是

元宮未閉時可堪無處睹床帷鬱葱靈岫千靈護颯沓  
松楸萬籟吹

仙馭漸離心未遠歸鞍將去意多遲言旋正值稱觴日

十月三十日是  
皇考聖誕辰也 空向

慈容獻壽卮

十月二十五日得雪

同雲四野望漫漫瑞雪霏微失遠巒麥隴乍欣占稔歲  
茅檐還慮怨祁寒飄飄柳岸飛輕絮點點綴梅村剪薄紈  
最是上林饒景色小春時節玉花攢

冬至

南郊

黃鐘應律肇千祥喜見

天心復一陽子夜灰飛旋泚氣

泰壇日麗散晴光明裡盛禮稽三代御世鴻猷愧百王  
祇祝精誠通

帝載眷予寰海樂倉箱

題秋山行旅圖

疎林葉落羊腸繞淒涼旅况燕山道馬蹄踏月人影斜

炊煙未散霜花曉世人名利紛勞勞空教驚起棲枝鳥

賦得山雞舞鏡

七言排律十  
二韻得山字

名禽聞說來荆國舞向菱花意轉嫺實匣乍開看皎潔  
雕櫳初對訝爛編婆娑應節疑張錦孌娜含姿半鞦髻  
小折腰時文綬亂大垂手處絳綃殷光懸桂窟虛堂畔  
綵絢霓裳夕照間顧步多應憐藻耀呼朋好試語間闕  
詎同鷗鳥羣驚客却比佳人自惜顏雲翼罷梳還獨立  
星眸迴盼許雙攀一奩水月平分影幾隊鸛鷺共接班



只為空明矜矯翅便教飲啄忘棲山風翻翠帶簷枝亞  
春暖重茵砌蘚斑欲擬當前詩綽約可知箇裏本舒閒

夏日書懷

宮柳陰濃殿閣深冰慚不受暑來侵南風未解吾民愠  
慙媿蒼生愛戴心

題蘆洲白鷺畫幅

穀紋搖漾水天秋蘆葦蕭蕭颭晚洲妙趣南華誰解得  
祇應鷗鷺一羣遊

恭祝

壽祺皇貴太妃七旬大慶

碧空爽度絳雲飛壽域宏開恰古稀慶衍三朝推淑範  
惠敷六列式清徽露珠凝掌璦膏溢月鏡澄宵瑞靄霏  
福祉繁增天共遠稱觴歲歲啓彤闈

丁巳八月二十三日

皇考二週諱辰以禾稼盈疇勉從諸王大臣請未得躬

謁

泰陵謹於

雍和宮行禮中懷耿耿孺慕莫伸灑淚述哀敬成一律  
淒淒涼露兩沾裳每憶

音容痛斷腸寢殿秋深冠劍肅

鼎湖雲隔路途長未酬

高厚懷終古豈意星霜歷大祥去歲几筵猶在望迴看  
雍邸助悲傷

雨夜詠懷

歌枕城烏喚曙時雨聲漸急漏聲遲廉纖細潤應含麥  
料峭輕涼欲透帷治理每慚先括訓憂懷未許侍臣知  
更闌點滴難成寐萬戶饑寒靜裏思

方方壺神嶽瓊林圖

塘嶠嶽麓仙人宅琪樹瓊林叅漢碧金堂十二只茅菴  
笑指洪厓肩可拍何年換骨遺方壺偶寓宿遊懸圃跡  
我今掛壁眄烟霞忽忘高奔迅過隙

舟行

春光漸可尋春水一篙深溪轉看花抱舟行逐鳥吟錦  
叢醺蛸醉綠藻隱魚沉物物皆天趣悠然稱我心

黃子久溪山雨意

溪山未雨雨意來蒼茫含潤無點埃驚禽覓葉枝頭急  
漁父披蓑谷口迴

麥壠新綠

韶光迴麥壠延眺蒺清娛綠意村村遍生機日日殊皺  
紋渾似水黛色尚分區佇望甘霖灑青針貫玉珠

小匡廬六首

恠石蒼龍似飛泉玉練如天然隔塵境竅數小匡廬  
衆木頗翦鬱青松迥出羣時有微風至蕭蕭天籟聞  
掛為瀑布寒散作菱花皎誰點星星黑雲中一飛鳥  
池亭架波上俯視流泉洄何用披南華即此當秋水  
仰有陰可乘俯有魚可釣中有靜觀人悠然發長嘯  
暑雨思民怨薰風想舜琴乘閒此小憩撫景媿吾心

馬文壁秋林釣艇圖

霜落澄湖魚不餌釣車偶弄滄浪意丹楓綠嶼靜高秋  
獨坐閣間無一事

無數溪山幽復深科頭把釣喬柯陰底事白鷗不飛去  
之子原無羨魚心

甘霖普降特召大學士內廷翰林圓明園泛舟遊  
覽即事成詩同諸臣面賦以誌一時勝賞時乾  
隆三年六月六日也

偶因幾暇事遊觀特許儒臣禮數寬霽現山容凝翠黛

風披水面縐冰紉泛舟共最濟川訓即境還思力穡難  
前日甘霖敷澤遍新詩分賦誌同歡

題趙伯駒蓮舟新月卷

泛月四時宜九夏為尤善荷塘窈而幽綠水清且淺不  
必擷芳華虛明供靜遣灑然玉壺冰色香俱難辨

六月七日率王貝勒等泛舟即景

勝地尋幽賞天倫樂事并舟迴芳甸轉雲淡遠山橫新  
霽田疇潤微風景物清水禽飛上下搖是樂生生



馬文壁山水用韓奕題畫元韻

吟餘繩榻拋詩卷獨展煙雲對穹嶽波上危亭俯碧澗  
吳淞半江不須剪輞水渾疑華子岡畫耶真耶而欲忘  
胡為千里江山景收入咫尺青絲囊蕭齋倚咏興不少  
灑然心共秋雲表憶在中盤精舍中小窓開處堯峯曉  
新秋泛湖

一夜西風催溽暑滿天爽氣送新涼輸將團扇三分冷  
贏得平湖十里光野艷沿堤秋卉簇殘紅亞水晚荷芳

輕舟棹入煙波裏愛聽漁歌引興長

題高克恭林巒烟雨圖

溟濛那辨菰蒲嶼林鳥低飛亂煙雨前溪漁父棹舟歸  
不覺蓑衣重幾許

倪元鎮松亭山色即用其韻

蒼松白石皆堪賦點筆秋光罨軒戶我偶得之不忍捨

彼草亭中曾少住何須更咏石田句

是圖有沈周題跋  
所紀收藏數家頗

寓得失世間得失空雲霧蕭齋一榻篆烟清窗外義娥  
之歎云

任晨暮

八月二十三日

皇考三週忌辰感成長句

逝水馳駒歲月遷

音容莫覩竟三年  
劬勞忍誦蓼莪什  
繼序時慚訪落篇  
惻惻沾裳寒露曉  
淒淒對景暮秋天  
鼎湖在望

龍髯杳仰首高旻  
淚湧泉

秋夜南苑行宮懷舊偶作

再經南苑動秋情別殿宵深景物清  
最愛寒光窗外暎那無逸興靜中生  
閒階亂草低螢火古寺疎鐘叩月明  
奏牘手批更漏水轉教重憶舊經橫

題王原祁虞山秋色圖

虞山山色朝夕變惟有秋光寂可人  
老筆蕭蕭為寫照高松落落皆傳神  
儘饒紅葉爭繁艷却與白雲結好鄰  
吳下年年秋不改麓臺幾度叅迷因

戊午季秋祭歷代帝王廟禮成紀述八韻

明裡稽古制殷禮值秋時肅肅旂常列  
蹌蹌鷩鷩隨爽風開寶扇旭日耀靈祠  
兩序陳鐘鼓千秋煥鼎彝美牆增愜慕  
典籍信昭垂對越嚴將祀欽承儼若思  
志曾希舜禹心愧作君師代謝固天運  
孫曾鑑在茲

秋日圓明園即景

紅葉千林似錦張秋容端不讓春光  
南軒日暖簾初捲曲沼波寒魚半歲  
戰雨晚桐漏踈影冒霜早菊先重陽  
平添詩客三分興熟境應忘若箇忘

冬至齋居偶閱舊稿誌懷

靜聽迢迢宮漏長  
齋居暫屏萬幾忙  
那無詩句娛清景  
恰有梅梢送冷香  
案積陳編閒檢點  
志期舊學重商量  
灰飛子夜調元律  
又喜天心復一陽

咏盆中天竹子

葉簇青青子綫紅  
三餘幽伴小齋中  
丰姿艷結珊瑚穗  
節幹清標筠籜叢  
斜拂爐烟雲作帶  
微分階雪玉為籠  
宵教鼻觀輕叅破  
月滿寒窗霜滿空

賜大學士嵇曾筠

海疆三載耀台星  
沙漲金堤瀆協靈  
此日黃扉資贊化  
昔年絳帳憶談經  
旌揚浙水行來遠  
路指燕山望裏青  
料想微疴應早復  
丹誠平格享遐齡

戲題漁樂圖

網得魚蝦足酒錢  
醉來蓑笠伴身眠  
漫言泛宅曾無定  
一曲漁歌傲葛天

冬夜偶作

風簾送竹音月牕散梅影稍喜萬幾暇敲句寒更永棲  
鴉寂不鳴漏滴銀壺靜遙想謀利人夜半喧市井設非  
為衣食肯冒清霜冷飢溺聖人心撫躬常三省

曩吾詩興豪即景抒清思非云誇別裁藉以道己意茲  
偶拂吟牋捉筆聊且置豈嫌推敲苦為恐襟心志吾志  
在何所望道猶慙未曾聞聖賢語躬行實匪易

盆卉吐芳葩氣轉陽和新匝匝屏風開嶙峋獸炭焚縷  
縷篆紋斜一室藹如春却憶閭閻間比戶窶且貧龍堆



雖罷戰尚有長成人  
辟彼嬰兒啼父母寧忍聞  
念此展轉愁丙夜憂思頻

昔愛冬夜長隨意消清福  
今苦冬日短剪檠批奏牘  
稍暇兀然坐詩興亦局速  
豈無玩好資足娛耳與目  
開編對聖賢祇覺增慙慙

臘八日雪

一夜同雲布凌晨散玉花  
竄宜逢臘日頓覺助年華  
麥隴從添潤梅村欲放葩  
所欣占歲稔不為藉烹茶

御製詩初集卷一

欽定四庫全書

御製詩初集卷二

古今體七十八首

己未

新正二日召集羣臣於乾清宮賦柏梁體詩朕既

首倡又成七言一章

泰交堂陛列駕聯日暖彤墀淑景鮮祇以賡歌鳴喜起  
非詩宴樂沸絃絳觴浮柏葉添吟興筆灑瓊華映綺筵  
更慶元正飄六出又增新瑞紀瑤編

題錢選孤山圖即用其韻

雪溪古筆得天隨，能畫能傳畫裏詩。  
誰道逋翁句難續，依然踈影暗香詞。

二月十三日恭侍

皇太后遊瀛臺紀事

永康曉闕問

安迴鳳輦晨遊重，侍陪搖曳晴光看。  
御柳分明春色遍，宮梅西山翠映屏。  
風列太液冰融鏡，面開仰識

慈顏多悅豫熙熙萬物樂春臺

題趙伯駒桃源圖

漁父重來舊路迷桃花片片水淅淅詎知洞口維舟楫  
已與人間別町畦桑柘陰蒙雞犬墅雲山春靄鈔鑼谿  
南陽劉子胡為者却向丹臺問玉梯

題唐寅江南農事圖

山村水郭聽吳歌最是江南佳勝多不必樓臺烟雨裏  
却看桑柘晚春過秧針插遍青千頃繭簇堆來白幾窠

吟罷七言雙槩盪同予樂處在人和

題關仝蜀山棧道圖

關仝真蹟天下少十人規撫九背馳蜀山棧道之子作  
橫雲劍閣高嶷嶷五丁斧痕留絕壁秋風落葉流水澌  
裝池屢易姓氏去細認手筆無然疑試看氣韻生動處  
猶使人饒蜀道思

暮春圓明園即景雜賦五首

夜來膏雨足曉起倚前楹芳園景已佳百卉爭鮮榮迷

離柳絲重間關鳥和鳴遠峰螺髻翠新漲鏡面平依依  
陌上花向人如有情維我值幾暇裁詩聊品評品評何  
所樂所樂足春耕

掃黛山排障拖藍漲滿塘樓臺憑點綴花木雜芬芳夾  
鏡浮飛竦平流泛畫牆風凌松榦古日逗竹陰涼信矣  
神仙境悠然物我忘畫圖曾省識三島水中央

悠然憑眺樂如如萬頃波光接太虛不定烟嵐浮嶺岫  
無心飛躍任鳶魚風吹穀面文章好詩託峯眉氣象舒

試弄扁舟泛寥廓遐情還憶渭濱漁

心閒境自幽樹老園更古况復近西山雲氣時吞吐結  
茅為屋宇欲識農家苦俯仰覺安和何必誇瑤圃

石泉繞砌聽鳴琴花竹當軒暢遠襟不必靜觀方自得  
由來物物見天心

詠松三首

龍鱗百尺鬱青葱獨立亭亭衆植中謾道性剛多傲物  
歲寒梅竹許相同



扶疎新榦手親栽，偃蓋俄成亦壯哉。  
豈是上林培植別，由來造物重良材。

高標迥出重霄秀，本色常留四季青。  
為重堅貞栽砌畔，綠陰如滴滿軒庭。

新霽

庭柯含宿潤，徙倚步芳蹊。  
山淨疑將近，天空望轉低。  
一聲來欵乃，萬頃浸琉璃。  
遙想江村裏，秧苗正插齊。

雉將雛

行行麥壠邊見一雉將雛雛兒纔長成啞啞學母呼一

解

翅軟未解飛嘴嫩未能食飲啄與遊翔皆賴顧復力二

解

兒兮依其母母子愛其兒一朝羽翼全那料南北飛三

解

有童持長竿捕雛何遽遽老雉雖善飛繞匝不忍去四

解

雛兒頗有智藏伏荆棘間棘密難採取頑童悵空還五

解

須臾童去遠老雉還來視母子得全活鼓翼心倍喜六

解

爾童一何忍爾雉一何慈孰謂天良心人禽乃倒之七

解

觀物可會心撫古常自鏡今朝忽見此大愧中年令八

解

題趙孟頫水村圖手卷

屈子卜居後潭邊漁父逢滄浪鼓枻去煙水自重重

題盛懋秋林蕭散圖

佳蔭之下鋪芳蘅是何處兮曰蓬瀛青鸞白鶴兩不藉  
飄飄旬五御風行

初晴晚照

落景掛平林初晴景倍好霞連天際山風動枝頭鳥閒  
心遊物外逸興託雲表茲焉足自適何必尋蓬島

李唐長夏江寺圖

上方宜結夏溪壑幽且深  
瑟爾籟盈耳蕭然風滿林  
清江澄定體古月照禪心  
欲詠丹青妙雲烟杳莫尋

仇英碧梧翠竹圖

石泉窈以清梧竹復修翠  
誅茅為小楹延得青山致  
幽人兀然坐開卷默而識  
仿佛沂水風吾與點也意

咏瓶中新荷

玻璃瓶子蒜頭粗綽約新荷插幾株  
簾幙風輕香欲送

几筵光淨澹如無乍疑仙子垂文履不數冰心在玉壺  
愛煞虛明表裏徹書窗坐對足清娛

題韓滉豐稔圖真蹟

開元賢相有肖子書傳張旭畫孫繇老筆蕭蕭寫村牧  
不異丙吉問喘牛或降于阿或飲池村邨擊壤西成秋  
此景祇宜圖上看度支當日煩持籌何如貌瘦天下肥  
明良一德誇韓休

己未夏六月恭進

皇太后字扇一柄謹成五律

玉漏林間度遲遲日正長問

安承色笑撫景頷清涼冰簾堪驅暑薰風恐拂裳寸忱  
託輕箋長此效黃香

大學士福敏久未入直為賦長句賜之

為憶傳經開絳帳還教贊化入黃扉精神秋水原無滓  
氣象光風却久違武相只今勞杖履文丞應即整裳衣  
喜逢長至晴和候待步金門暖日暉

六月十八日初霽恭侍

皇太后園中遊賞謹成一律

膏雨公田足歡遊禁苑多欣陪

文母御不數漢王歌山向雲中隱舟從畫裏過

慈顏添豫色至樂復如何

即景

一夜西風催溽暑半空爽氣入樓臺陰雲淨掃青天迥  
却訝新秋陡地來

沈周倣倪雲林筆意卷

仄徑曲緣流秋雲濕蒼樹蕭然山水間獨許幽人步  
石泉墜淙淙盡向平湖瀉踞石弄絲竿不為游魚把  
僂立青松下松根亦堪枕對此忘蹄筌誰辨倪與沈  
我是廟堂人每愛山水趣板橋俯碧溪待我支筇度

秋雨

響送秋聲夜雨長朝來添得幾分涼  
廉纖乍潤蔬畦綠  
浙瀝頻霏菊蕊黃  
暗鎖遠嵐疑是霧  
寒侵晚圃却非霜



凭闌眺望增吟興一幅顛翁畫渺茫

倪瓚獅子林圖

借問獅子林應在無何有西天與震旦不異反覆手倪  
子具善根宿習摩竭受蒼蒼圖樹石了了離塵垢聲徹  
大千界如是獅子吼

九日

菊蕊舒黃楓葉紅重陽還與去年同却驚時序馳駒隙  
湯惜芳菲逝水東落帽輸他詩俊逸宵衣惟我積憂忡

朝來縱不登高望萬戶饑寒在眼中

題文嘉南村草堂圖

面水澄泓背碧山幾楹蝸舍綠楊環箔頭摘繭開簾晒  
町畔看秧杖策還太古林泉惟靜靜長年雞犬自閒閒  
應知塵世無堪比只在桃源蓮社間

恭奉

皇太后恭謁

孝陵

景陵敬成長律

扈蹕馳千騎鳴鑾駕六飛紹先思

祖德色養奉

慈闈爽氣催征轡霜花散曉暉有秋歡里巷鼓腹遍郊圻松柏森元路雲霞護玉衣主承凜凜

冠劍仰依依言念開千古憂勤萃萬幾維清欽

陟降瞻拜重獻歎

賜直隸提督孫嘉淦

霜落平原秋已深  
鳴騶不為散幽襟  
如京稌黍村村景  
慰我君臣望歲心

登盤山口號

千林落葉見山容  
翠嶂丹崖歷幾重  
湯憶當年曾訂約

今朝果上最高峰

舊作望盤山有寄語山靈頻訂約他年擬上最高峰之句

登盤山天成寺江山一覽閣作

兩峯天闕仙壺路  
到眼江山萬派分  
樹匝丹崖空外合  
泉鳴碧澗靜中聞  
緣階擇走秋聲細  
裊鼻香飄瑞靄紛

今日身行圖畫裏六塵幻有等浮雲

南苑大閱謁元靈宮宮是

皇曾祖世祖章皇帝建也敬依

皇祖聖祖仁皇帝韻以誌敬仰之忱時冬至月朔日

閱狩金輿駕鳴騶赤羽翔千官分鷺序萬姓仰龍光雪

積平原白泥鋪御道黃翠華來別苑初地散天香杳靄

雲生路蕭森松泛涼星辰圍斗宿丁甲護虹梁屏念瞻

瑤殿虔心禮素王若臨欽在上作極愧惟皇祇以紹庭

切何能與物昌律身懷監史敷化體

穹蒼文德猶慙未武功不敢忘蒐苗遵古制逸豫戒禽  
荒簇簇雲屯盛悠悠霧旆颺一陽初應律三白已呈祥  
漸覺條風扇新添麗日長覲揚吾未逮布治願平康

南苑獲野禽恭進

皇太后

積雪滿郊坰三冬農務停鳴笳齊隊伍布令疾雷霆馬  
足奔如電鷹眸迅似星山禽味鮮潔飛騎進

慈寧

時巡近郊見西成有象喜而賦此

緬懷春之暮彼蒼有旱意憂心忉如焚中夜望天賜賑  
恤發太倉綢繆無不備賦彼雲漢詩展轉詎能寐好生  
天之心一雨蘇萬類苗者日以秀秀者日以穗時巡屆  
初冬夙駕催六轡盼茲場圃間頗覺倉箱積千畝幸有  
獲二鬴猶未遂稍足慰吾心尚未愜吾志吾志伊如何  
教養非二事即今比戶間豈盡知孝義披褐者農子前

驅莫訶避疾苦當諮詢痼瘵予增愧汝饑誰之由汝寒  
誰所致賙賜出泉府旬宣屬官吏猶恐億兆民未盡需  
實惠際此薄有收聊可酬望歲寄語為政者豐年實為  
瑞

望西山積雪

天然圖畫開屏障瓊樹瑤葩不識名記得河陽生動筆  
直教人在座中行

德壽寺



招提建百年勝境壓諸天樹古龍蛇矯壇高雲霧連珠  
藩飄赤篆寶鼎纂祥烟暫去空林杳猶聞鐘磬傳

大閱

時狩由來武備修特臨南苑肅貔貅龍驤選將頗兼牧  
天駟掄才驥共驅組練光生殘雪映旌旗影動朔雲浮  
承平詎敢忘戎事經國應知有大猷

咏盆中佛手

一指天龍孰與儔却教糟粕至今留爭如滿樹黃金相

移得江陵八月秋

夜

剪燭閒拈咏離宮刻漏長松鳴千古韻月散一窓涼夜  
靜幾常勅時和物小康永言勤治理民瘼敢輕忘

南苑新衙門行宮即事

南苑重來羽騎馳離宮未御已經時新詩消遣閒中興  
舊學商量靜裏知花笑迎人詩得意鳥吟為我話相思  
留連不是耽風景却惜年華暗轉移

捕魚

萬頃滄波綠千鱗錦鬣紅中流鼓柁處樂與衆人同

倪瓚水竹居圖

十笏蝸居却可居灑然水竹適三餘閭浮提裏無塵界  
靜致山中太古初倦倚匡床閒夢蝶獨臨曲沼樂同魚  
還思放筆徜徉際白石清泉盡起予

偶仿唐寅筆意作寒梅小景并題以句

清標宜象外春色在枝南瀟灑將塵遠分芳與靜諳遐

心聊復寄生意幾多含恍憶書窓曉還憑結習叅

題唐寅松溪獨釣即用其韻

松下科頭把釣居任呼漁父任呼魚因之識得魚兒樂  
不在蒙莊一卷書

王蒙坐聽松風圖

偶來松樹林趺坐虬枝下忘筌弄泉石謾謾幽籟瀉主  
人對客言橫琴為我寫客謂主無須聽取真琴者

黃居寀山鷗棘雀圖

棘雀愛卑棲山鷓喜清廓雀在高棘枝鷓步低泉壑圖  
之素絹中短言識其畧常聞古人云君子慎所託

十一月初七日得雪時大雪節也喜而有作

小雪雪霏霏

小雪節亦有雪

大雪霏霏雪今年三白早喜復應

時節朝來眄庭除皚皚堆玉屑上林冬欲半滿樹瓊英  
纈曩余饒逸興玩賞吟清絕值此六出飛豈不中心悅  
所樂在田疇望歲念弥切裁詩為誌慶那更論工拙

紫光閣閱武舉射

掄才臨別苑射策對明廷養士百年久干城九塞寧瑯  
弓懸滿月羽箭迅流星為問赴桓輩能通黃石經

孔雀

異物非為貴懷柔亦有方暫辭蠻嶺月不耐帝京霜

孔雀

性惡寒

映日先張錦迎風自炫粧雕籠供飲啄何必憶山梁

詣

慈寧宮問

皇太后安

親詣

慈寧問

起居瞳瞳曙色曉光舒承歡祇領

徽音訓歸路思維樂有餘

冬至有事於

南郊敬成八章章八句

於昭

天鑒眷於有德佑我

太祖東土是式

帝命不顯皇清不靈明德惟馨以畀萬邦

一章

赫赫

太祖

天篤其祐穆穆

太宗丕顯丕承駿德光昭爰受鴻名建國紀元肇定大

清

二章

暨我



世祖混一區夏

聖祖紹之容民厚下民安於耕物適於野六十一年惟

天降嘏

三章

皇考翼翼思為君難立綱陳紀祇承克艱授位渺躬受

命自

天敬念紹庭敢忘寅虔

四章

日惟長至爰卜

南郊三齋五戒將事吉朝式瞻百辟玉珮金貂式虔爾

心無或逍遙

五章

爰升燔柴燔柴維烈爰陳俎豆俎豆維潔惟予小子敬

捧蒼璧明明

帝神尚其來格

六章

神之格思降福穰穰敢曰予小子誠通

昊蒼自我

祖宗受嘏惟純

景命綿綿逮我後人

七章

伐鼓淵淵建旆翩翩祀事用成福祿來駢匪以祭而專  
匪以燕而遷對越

昊天豈敢間兮乾乾

八章

冬至

慈寧宮行禮

和風習習滿簾櫳

慈壽無疆祝華嵩不獨宮闈增喜氣光天孝養萬方同  
拜舞瑤階日影移南山為壽獻新詩

宮中堯舜垂裳處正是初陽乍復時

恭上

皇太后聖壽詩

初長晴旭照丹墀  
靄靄祥光散綵旗  
最是瑤階稱祝日  
常逢玉琯復陽時  
和風淡蕩頻傳喜  
好鳥間關解獻詩  
敬捧霞觴介眉壽  
千秋萬載沐

恩慈

王蒙秋山蕭寺

秋山作四鄰蕭寺枕嶙峋愛此無中色留將幻裏真蒼  
松原不老碧水自離塵驢背獨歸客何如蓮社人

古琴

古桐三尺剡以絲黃金丁星間作暉聲絲音暉主輔毗  
龍齟鳳額相差池漆古斷作鱗之而春風駘蕩花融怡  
秋霄明瑟月皎兮壺嶠出海高巍巍流泉若咽若奔馳  
縱金戛玉明堂儀空山無人胎仙飛風車雨馬雲霞衣  
蟬哀鴈肅幽蘭猗天地事物神人祇萬狀惚恍皆可為

情忻情戚俄而移惟君妙指所命之此一大士號聞思  
清淨不涉離與微

李成茂林遠岫圖

淡泊蒼山蔚古枝惟應造物與為師何人著論名無李  
是處營邱放筆時

趙昌寫生蛺蝶

青蟲出菜甲旋復化為蝶蝶已不復蟲生滅迅交睫翾  
栩飄秋烟迷離貼露葉煉得長生術金丹了無涉

題余省秋芳圖

女夷應是惜韶華，點綴繁英分外嘉。  
數種寒芳凝玉露，幾枝濃艷注丹霞。  
興添敲句抽思麗，清伴炷香裊篆斜。  
見說家丞重秋實，祇今秋實讓秋花。

唐寅款鶴圖

臨臯道士堪為友，羽帔蹁跹揖客言。  
愛爾扁舟聊共泛，相看漫擬衛公軒。

唐寅釣魚圖即用其韻

蒼山白水盡如如飄泊輕舟也儘渠獨把絲竿澄宇濶  
何須評論是非魚

夜靜觀書

深宮夜靜漏聲長芸籍閒披御案香為念民依難洞悉  
頻觀書史鑒興亡

養心殿古榦梅

為報陽和到九重一枝紅綻暗香濃亞盆漫憶辭東嶠  
作友何須倩老松鼻觀叅來諳斷續心機忘處對春容



林椿妙筆林逋句却喜今朝次第逢

御製詩初集卷二

欽定四庫全書

御製詩初集卷三

古今體九十一首

庚申一

題文徵明蘭亭圖

脩禊依然晉永和書成只待蕙山婆  
何須感慨論修短試看衡山駐日戈

夏珪秋江風雨圖

雨絲風片遠連天一棹漁舟萬頃烟  
無事買魚沽酒客

却饒書畫米家船

題畫

庭樹侵簷綠蔭深披薰不藉五絃琴黃庭一卷牋扉掩  
未許遊人杖策尋

題畫八首

微風細雨暮春時窄地青青蘸柳絲新水載舟還力弱  
柴門絕客欲開遲尋山恰稱閒遊屐披卷何須鎮下帷  
最愛子西得意句蕭齋獨對有餘思

選勝新開蓮社場良朋策杖已相將縱橫細檢空王語  
馥郁頻燒心宇香幽夢乍醒知蝶化塵緣欲淨驗龜藏  
陶公何用肩輿返也是人間一酒狂

樹侵檐角草侵階散步新青印鞞鞋隔浦畫圖排蟹舍  
遠山蒼翠潤琴齋愛耽靜息中書趣為識清標從事佳  
王謝家風今尚在高談揮塵傲無懷

溪亭消夏俯清漣波面風來簟縠鮮新笋成林繞箇箇  
嫩荷出水故田田稔含花木閒批點蒙叟逍遙減撲緣

喚起羲之笑多事蒲葵隨有不須錢

衆漢虬鱗翠十尋團團如蓋散清陰暫拋居士齊眉杖  
靜撫中郎焦尾琴指上泉流疑澗底林端濤泛似秋深  
怡情自具成連調一幅希夷物外心

梅是山妻鶴是男逋翁妙偈阿誰恭靈臺明處丹成九  
耳觀清時笛弄三八字疏眉連玉笋小團雙鳳貯都藍  
旋收筆硯排書卷怕作文章博大慙

弄棹滄浪破碧流藥鑪茗椀伴浮遊神仙瀟灑惟同李

天地沈酣不異劉，有興只須來泛雪。  
忘機那復慮驚鷗，  
溪亭為問招呼者，妙處逍遙也羨不。

層樓蕭寂隔塵喧，一卷黃庭獨閉門。  
習靜從知泰宇定，  
養生饒得谷神存。  
架頭古史翻魚魯，  
甕裏新醅泛鰕鱖。  
底事漁人輕鼓枻，桃花深處是仙源。

夜雨

春暮如膏雨，知時助發生。  
冥濛迷晚色，淅瀝入深更。  
澤潤良農樂，寒添薄絮輕。  
試思明曉趣，叱犢一聲聲。

雨中省紅梨

只道宜晴雨亦宜偏親詩客露丰姿暫遊洛浦將飛際  
小浴溫泉未起時濃抹幾番因洗淨淡粧無力倩誰持  
天公應惜胭脂褪故把珠簾四面垂

夏景竹泉春雨圖

淙淙復浙浙竹泉邈寥寥春雲暗遠天飛珠石厓滴颯  
奮動微籟琅玕韻相擊不惟眼界清亦令心源滌

米黻岷山真蹟



尺幅衡牋畫蜀山雲嵐層疊許誰攀  
密圍古樹四時翠  
獨閉柴扉鎮日閒苔色侵眸紛綠縟  
溪聲入耳隱潺湲  
渾如雨霽輕煙斂  
轟轟稜峰濯曉鬟

四月九日為怡親王誕辰作此賜之

朱邸恩暉永銀潢瑞靄浮  
舊勲存柱石遺緒屬弓裘  
詩禮崇芳範公誠勵遠猷  
喜逢添莫日花滿鳳麟洲

元唐棣疎林策蹇圖

石泉咽危灘輕烟散林表  
新豐酒難沽寂寂空山曉  
風

吹墊角巾斜月猶皎晶颯然風月懷豈慕長安道試問  
灞橋人新詩得多少

四月望後雨澤未足朕憂心如焚臣工頗有以春  
雨既足尚可無憂者然而無以釋朕懷也越五  
月丙寅雨澤既霑命駕進宮見路旁如雲而有  
秋者麥田也如油而茂夏者晚稼也乃快然以  
喜則知朕前此之憂不徒憂矣既以成詩爰命  
臣工和之

望漢瞻雲子夜中

恩膏忽沛仰鴻濛  
恰欣渥澤能蘇槁  
宵信浮詞為省躬  
輦度麦圻黃幕幕  
盼迴黍穰綠茫茫  
薰風稍解吾民愠  
後樂先憂此意同

題元王蒙臨平秋早真蹟

楓丹松翠自天成  
不繫人間枯與榮  
無住相中常住相  
何勞六一賦秋聲

崔子忠蘇軾留帶圖

印公四大偈東坡不能答留帶無語去芥子須彌納當時勝負機將謂饒老衲玉帶生莞笑既挂而復磕

夏日奉

皇太后幸靜明園

雨後園林景物閒六龍時幸奉

慈顏花迎步輦饒生意峯入窗櫺濯宿鬟隔院趺鐘偏  
得得會心好鳥亦關關親承

色笑忘煩暑多少歡欣柳外還

賞過樓

高樓構峯頂瀟灑似蕭齋林壑供吟興山原入望佳霞  
光紅到座樹杪綠侵階錯繡看畦畛悠然暢我懷

登靜明園古華嚴寺

雨餘曉岫矗新青幾暇時臨翠輦停為謁空王瞻月相  
却教飛蓋傍雲扃風鈴常轉蓮花藏貝葉閒披金字經  
試問奏章陳積否隔林行漏已泠泠

河南巡撫雅爾圖奏進穀穗盈尺時六月二十日

也蓋雨暘應時則穀熟之早有如此者既以示  
臣工爰作詩以誌慶

民天伊古重宵旰為祈年豫省灾傷後

去年河南被水

西成企

望虔喜看盈尺穗儼歷有秋田稍解吾民愠披薰一暢  
然

題玉泉山呂祖洞

一片白雲掩石扉推雲古篆辨依稀空中孤鶴數聲唳  
應是岳陽三醉歸

采蓮曲

霞作衣裳露作珠  
仙娥結束與人殊  
一葉扁舟泛明月  
纔離若水又方壺

六月春光太液池  
靚粧無那日長時  
紅衣綠繖渾難辨  
只有香風陣陣吹

暑雨

連朝暑雨亂如麻  
坐對珠簾面面遮  
依約遠山猶入戶  
怨咨此日定誰家  
蟬聲稍喜初停弄  
蛙鼓生憎晚報衙

贏得幾閒聊靜憩龍園新擘緩烹茶

雨後剪園中新蔬敬獻

皇太后謹成一律

夏畦雨足綠菲菲  
萑茁如酥韭葉肥  
為驗農耒臨別苑  
藉方蒜水奉

慈闈盤盛烟甲先  
秋冷手剪香芽滴  
露稀生意靜觀欣  
自得還思發育遍  
郊畿

題唐岱山水幅



天際新螺翠欲浮坐來九夏似深秋巖腰古寺開青障  
渡口歌橋鎖碧流清籟吟空金氣肅寒鴉歸樹暮煙收  
丹青妙處誇生動每對溪山一為留

泛月行

海雲湧出赤金鏡天風吹徹玻璃淨緣溪為棹木蘭舟  
中流迭奏雲和令綠深蘆荻紅夫渠飛則鳶子躍則魚  
兩間物物皆自適吾亦因之樂有餘傍岸流光點螢火  
不須燭列金蓮朵錦纜牙樯任所之由來無可無不可

茉莉花

雨後花房各自開，因風時送異香來。  
却嫌紅紫三分麗，幻出冰霜一段才。  
清味醉餘眠蛺蝶，殘芳貼處潤莓苔。  
林逋當日如相識，應作園中六月梅。

閩中鮮佛手貢到恭進

皇太后

色妬羅綿味轉清，年年包貢值三庚。  
封題更進瑤池上，佛手堪供

佛手擎

題松花石屏漁樂圖

漁兒舟作家釣罷舟不繫橫笛臨風吹悠然葛天世

螢

載月泛扁舟飛螢點點流飄光羣入夜報節獨先秋貼  
葦明還滅因風動欲浮不須添蠟燭夾岸散燈球

閏六月十二日夜聞螢

解衣欲就寢皎月當窗入何來蟋蟀吟枕畔數聲急想

為報秋信

是月十五日立秋

先期鳴唧唧，露已含涼振羽猶。

無力聽久不成眠，旋起披衣立徘徊。倚軒楹，往事堪追憶。憶我少年時，感秋多歎息。亦知終何裨，興逼不能默。程子乃達者，見獵有喜色。我豈如彼賢，好吟實舊習。

秋信

白帝傳金令，霓旌已啓途。祝融收後隊，素籟是前驅。氣爽寒疑近，天空遠若無。何須愁代謝，徒倚弄修梧。

月夜泛舟

泛月開輕舫微風送棹歌一輪懸玉鏡千疊湧金波魚  
躍蘋花動螢流燭影過猶聞簫鼓急別殿按雲和

侍郎梁詩正舊日講學臣也以父年屆七旬乞與  
二品封誥特允所請并賜以詩

舊日文章彥熙朝卿貳班重邀花誥寵不異綵衣班堂  
有槐三本門如水一灣更思躋壽世希瑞遍塵寰

題李白春夜宴桃李園圖

飛觴醉月共遊盤銀燭燒闌興未闌  
漫惜光陰如過客

予今已作畫圖者

荔枝效竹枝詞

武夷溪畔艷僊粧  
晚日暉暉舛絳囊  
因風飛過仙霞嶺  
惹得人間齒頰香

六月炎方候已秋  
枝頭的罌火星流  
一從上苑傳清味  
不數尋常安石榴

倚欄暑退欲秋時  
手摘清香帶露枝  
何用沉瓜並浮李  
星星一顆沁詩脾

閏六月望日立秋

遙天今日火星流  
最好平分夏與秋  
紈扇已輸一半冷  
宵砧欲動十分愁  
團團玉鏡懸雲漢  
疊疊金波印斗牛  
歌枕蛩聲吟不了  
那知蝴蝶是莊周

題吳鎮清溪垂釣圖

一江春水如油綠  
滿目春山看不足  
春水春山共我三  
南華二篇不須讀  
渟洲清泚猶堪掬  
聊把絲竿寄幽躅  
扁舟不繫任去來  
誰與為羣鷗鷺  
驚頗知水清本無魚

亦令人識求緣木

秋日聞黃鸝戲作

春光惜去生催去秋信憎來強喚來  
好惡倖殊誰聽爾何須得得語高槐

題何浩萬壑松濤卷

長松能作風風作濤聲瀉萬竅  
禁不鳴曲高和者寡靜籟已入聽  
濕翠復堪把壁間挂古琴成連不能寫

華嚴洞勒壁



別院駐鑾輿，瞻禮招提境。  
清曉趁風涼，捫蘿登絕頂。  
嵌石老松蒼，滴乳寒湫淨。  
初上若無路，漸入多佳景。  
豁然雲木開，古寺橫山嶺。  
石龕月相間，蒼鐸風聲靜。  
朱欄俯帝畿，烟火富閭井。  
旋憇華嚴洞，颯然衣袂冷。  
深窺潛竇黑，微聽幽泉洄。  
何須一指叅，自覺萬慮屏。

題文伯仁松岡竹塢圖即用其韻

椿槿休論大小年，林泉佳處每陶然。  
看予杖策石橋度，笑煞瞿曇論四緣。

飼魚

臨流坐石磯忘機魚不避投餌試飼之引類紛然至却  
知非釣竿在羨心無忌清漣漾鏡光一一堪數計因之  
識魚樂長歌發幽思遐想天地間人物理不二有心鷗  
乃去去實人所致吁嗟庸衆流勞勞為名利有時喪其  
良反不如魚智若令貪釣鉤早作盤中味

張僧繇雪山紅樹圖

青女遺素英少男皴粉白依然五大夫鬚髮轉寒碧丹

楓未落盡臨風鳴瑟瑟  
墜粘文石凹似點壽陽額  
斷橋驢背人彷彿孤山客

題李贊華射鹿圖

無心逐鹿人却作射鹿景  
逸麋飲箭羽奔駒迅鞭影  
眼前馳逐忙事後渾幻境  
說偈伊有餘司圓吾當省

蘆花

立秋纔數日蘆荻已含涼  
貼水弄明影飄花作素粧  
風敲方瑟瑟露泣欲蒼蒼  
長咏伊人什茲懷殊未央

題楊補之雪梅卷

雪以梅增秀梅因雪越芬清華誰可類色臭捻難分卉  
裏傲青女植中友此君澄懷叅鼻觀如是視而聞

題高克恭夜山圖即用其韻

虬松深處山千尺鑑水澄時月一方借問作麼叅色相  
螺峰幾點是真常

秋英粲然可觀感而有作

簇簇繁英各闢奇短長秋色繞階墀  
愁含草木渾難備

崇嗣丹青宛在斯露泥忘憂方灑灑日烘解笑正熙熙  
履霜轉眼堅冰至嗟爾芳華亦幾時

管道昇叢玉圖

石泉清且幽簌簌修而古淇澳作佳鄰渭川即前淑空  
際琅玕敲月影龍蛇舞靜對忘俗緣興在蕭疎所恍疑  
小窗中瑟瑟吟風雨

邊景昭胎仙圖

飲啄蒼松下依栖蒼松上烟霞為伴侶天宇誠寥曠婆

羅門呌音臨風一嘆吭衛軒非所慕華表應隣妄只悔  
離丹臺俯仰由人狀

孟秋時享

太廟進宮齋戒見夾路禾黍油然可觀喜而有作  
祈年常自凜淵衷多稼于今感

昊穹粒食端為玉食本黃雲已釀綠雲中稍紓念慮籌  
防歟敢弛憂勞為屢豐封牘時批方牧奏

今年各省奏報有秋畧同

有秋還喜萬方同

秋夕齋居

秘殿無煩暑齋居念若何紹

庭欽

陟降撫序願中和祇慮心稍逸因之政有頗清宵思治  
理星斗在銀河

孟秋時享

太廟

玉斗迴旋屆指庚金輿夙駕紫鸞鳴萬皇禮樂陳

清廟紉縵雲霞煥寶楹陟降儼臨

神鑒赫顯承佑啓泰階平禮成肅穆瞻宵漢何限依遲  
霜露情

每有吟咏輒以示大學士並南書房翰林等或命  
依韵迭和非以辭恭相誇尚幾暇之餘相與優  
游翰墨亦可以陶性情驗政事比之徵歌選舞  
不猶愈乎因書以示之

宣尼曾有訓羣居不及義况在君臣間尤貴同志譬



彼舟楫具大川方堪濟彼民有隱情孰為達其意或政  
有偏頗孰為防其弊三百一言蔽曰惟無邪思可知詩  
教正其葩乃餘事維予忝民上奉三而出治所愧理未  
純因之政多戾皤皤二三臣咸具經邦智濟濟翰苑英  
亦有責難誼因言匡不逮所益良匪細若徒獻頌詞恐  
滋後來議

賜大學士鄂爾泰

早年勲績振南蠻黃閣論思久任艱五載憂勤肩變理

兩朝寅亮首清班允期舟楫川同濟何啻門庭水一灣  
申甫蕃宣周碩輔敷予惠澤滿人寰

賜大學士張廷玉

喉舌專司歷有年兩朝望重志逾堅魏公令德光閭里  
山甫采嘉耀簡編調鼎念常周庶務勞謙事每效前賢  
古今政蹟如懸鑑時為蒼生咨惠鮮

賜大學士福敏

元老由來衆所儀巖巖班列帝王師每當咨治披香日

恰似談經絳帳時入贅經綸常補闕退朝劍佩自委蛇  
兒行學始循佔畢啓導重勞下講帷

賜大學士徐本

黃閣登賢俊清時佐化工調羹推替理運軸每抒忠思  
澤敷霖雨絲綸布巽風愧予非舜禹弼亮古今同

題董其昌葑沔倣古小軸

樵李歸來信宿停一帆春雨阻葑沔尚饒濕潤虞需手  
能爾為耶筆有靈

七夕

經年睽隔意如何幽恨偏饒一月過

今年閏六月故云

天上尚

然歡會少人間漫道別離多空庭設席陳瓜果別院拋  
針列綺羅詎用奇文誇乞巧倚欄長咏眇銀河

乞巧吟

小巧害其身大巧害及人倏忽鑿混沌反以喪天真五  
音令耳亂五色令目昏離婁與公輸技也寧足論彼巧  
如可求得失亦已分況其不可求跪拜何紛紜今夕乃

七夕瓜果良具陳中庭供星象河鼓與天孫再拜前致  
辭欲言還逡巡惟願乞大拙猶可守吾純

賜內大臣常明

禁籞宣勞久恩隆志愈虛潔身正羣僕扈蹕典周廬每  
以嘉謨告因知丹悃攄清時無折檻不用叩階除

偶成

風在窗櫺月在檐無邊風月任吟拈花因幾暇香偏遠  
詩到秋來興亦添剩有蟬聲催露柳恰饒螢火度鰕簾

封章問有何人奏階下丁丁響玉籤

初秋偶閒

幾餘贏得片時閒  
鏡徹波光黛染山  
風挾秋來偏拂袖  
花因暑退亦開顏  
龍蟠戶牖松千尺  
琴響階除水一灣  
宵逐物華臨別院  
徘徊獨立憶民艱

秋雨初晴園林即景

雨洗高空淨雲依遠岫  
還氣將人共爽心與物皆閒  
蟬噪猶思暑林稀欲漏山  
波光接天色舍素一般般

賜和親王

桐圭傳錫慶棟萼喜連芳樂善輝編簡維城佐廟廊允  
堪稱玉葉不愧表銀潢嘉爾抒丹悃承恩並日長

賜怡親王

屏藩重寄賴宗臣夾輔宣猷翼紫宸盡職從知忠蓋切  
好書猶見性情醇銀潢派裏圭璋器花萼樓前雨露春  
善體貽謀須黽勉永承惠澤薦親親

玉泉秋清

山色因秋淨溪光漾日明會心原在遠稱物亦施平凌  
漢松千尺憑風鶴一聲野葩猶覓秀不覺可憐生

中元觀河燈

太液澄波鏡面平無邊佳景此宵生滿湖星斗涵秋冷  
萬朵金蓮徹夜明逐浪驚鷗光影眩隨風貼葦往來輕  
泛舟何用燒銀燭上下花房映月榮

賜大學士查郎阿

玉陛資調燮西陲運計籌持鈞推舊德補袞著嘉猷可



繼蕭曹業還同韓范儔江湖與廊廟莫釋一心憂

賜大學士趙國麟

岱嶽鍾靈秀閩疆播姓名巨川資作楫上鼎藉調羹諸  
葛抒忠藎文公獨老成每當前席問何以福蒼生

直隸總督孫嘉淦奏進穀穗長盈尺以上既以示  
羣工爰詩以紀之

勤勞宵旰念民艱志切祈年政所關祇以雨暘均

帝澤遂教豐稔遍人寰祥呈畿輔黃雲滿瑞紀倉箱綠

野閒喜與張公同此意每觀嘉穀一開顏

賜工部尚書來保

卿月光華燦廟廊分曹布理賴匡襄訓垂虞典天工亮  
職列周官地利詳誠慤允堪昭倡率訏謨時切贊平康  
老成自合叨榮澤常領清班駕鸞行

觀穫

白露湛郊原西成候已至綠野滿黃雲紫莖垂絳穗鉅  
艾茲其時錢鏞良具序幾餘臨別院農務觀次第值此

歲云稔實感天所賜念予恤民艱常凜祈年意積以三  
時憂今朝乃大慰

夜雨寄興

憑將一夜雨添得幾分寒梧葉依微滴珠簾想像看咽  
愁蛩羽濕芳歇蕙心殘獨有高吟客悠然興未闌

題元四大家畫幅合璧

黃子久秋壑蕭齋

千山葉落山容出吟秋萬竅翠翠疾蕭齋構處面羣峰

插架圖書三萬帙只此虛無守谷神坐來一日似兩日  
問誰多事洩山靈黃氏大癡走健筆

吳仲圭寒溪略約

溪邨待渡無輕舟略約支波當人脚寒烟漠漠野塘秋  
似有行人隔叢薄漁兒一棹破滄浪短笛無腔隨意樂  
紛紛名利付青雲愛此蕭閒興所託

倪元鎮瘦石疎林

枯枝疎葉披風霜颯然特立苔石旁下無幽人相徜徉

上無繁葩弄芬芳倪迂妙筆勁且蒼繩墨不中庸何妨  
千年尺素含幽光不教金碧誇李唐

王叔明春雲出谷

春氣濛濛濕林簾蒸為靈雲滿春谷板橋杖策者何人  
芙蓉為巾薜荔服悠然獨往還獨歸那管世間榮與辱  
我亦無心如此圖長日卧遊猶不足

命婦索綽羅氏年一百三歲矣其子孫皆多壽五  
世一堂信人瑞也萬壽節扶掖入見喜而有作

淵範能修四德賢飲和猶占萬民先百齡瑞慶傳都下  
五代孫曾繞膝前天上升恩霑雨露人間不老即神仙  
更期壽世多黃耆共樂昇平大有年

中秋日恭侍

皇太后萬善殿瞻禮隨遊瀛臺諸勝敬成一律  
金風玉露共徘徊為奉

慈遊特地來璧月圓時瞻月相壺天深處是天台香飄  
桂子堆金粟酒獻南山作壽杯無限歡欣隨輦道人間

端的有蓬萊

庚申秋日經筵

皎日麗中天金風拂細旃右文遵舊制典學重經筵為  
進邦家彥爰洛經史詮探淵思汲古望道未忘筌制事

應惟義執中猶在權

是日進講中庸執其兩端用其中  
於民尚書以義制事以禮制心

心恒期洞洞志每厲乾乾緬想萬民上端資百爾賢周  
行頒示我莫謾頌豐年

中秋日有菊

節候因逢閏金英早冒霜韻將蘭並遠色與桂爭黃映  
月參差影迎風清冷香中秋先看菊彷彿過重陽

御製詩初集卷三